

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi s članom 30. stavom (1) tačkom k) i stavom 2. i članom 41. Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08 i 35/09), te članom 50. Zakona o radu u institucijama Bosne i Hercegovine ("Službeni glasnik BiH", br. 26/04, 7/05 i 48/05), Vijeće ministara Bosne i Hercegovine na 93 sjednici, održanoj 2 jula 2009. godine, donijelo je

## ODLUKU

### O IZMJENAMA I DOPUNAMA ODLUKE O VISINI, NAČINU I POSTUPKU OSTVARIVANJA PRAVA NA NAKNADU ZA PRIJEVOZ NA POSAO I PRIJEVOZ S POSLA U INSTITUCIJAMA BOSNE I HERCEGOVINE

#### Član 1.

U Odluci o visini, načinu i postupku ostvarivanja prava na naknadu za prijevoz na posao i prijevoz s posla u institucijama Bosne i Hercegovine ("Službeni glasnik BiH", broj 4/09) u članu 3. stav (4) riječ "međugradskim" briše se.

Iza stava (4) dodaje se novi stav (5) koji glasi:

"(5) Zaposlenom čiji je rad organizovan u smjenama na način da za uredno izvršavanje poslova nije potreban svakodnevni dolazak na posao i odlazak s posla pripada pravo na naknadu troškova prijevoza za stvarni broj dolazaka na posao i odlazaka s posla, s tim što se visina naknade utvrđuje u skladu sa stavom (3) ovog člana".

Dosadašnji st. (5), (6) i (7) postaju st. (6), (7) i (8).

#### Član 2.

U članu 4. stav (4) riječ "međugradskim" briše se.

#### Član 3.

U članu 7. stav (1) iza riječi "Odluke" umjesto tačke stavlja se zarez i dodaju riječi: "ukoliko koristi službeno vozilo za dolazak na posao i odlazak s posla".

Iza stava (3) dodaje se stav (4) koji glasi:

"(4) Zaposlenom čije je mjesto prebivališta udaljeno od mjesta rada do 3 km ne pripada pravo na naknadu troškova prijevoza za dolazak na posao i odlazak s posla".

#### Član 4.

(Stupanje na snagu)

(1) Odluka stupa na snagu narednog dana od dana objave u "Službenom glasniku BiH", a primjenjivat će se od 01.01.2009. godine.

(2) Izuzetno od stava (1) ovog člana, odredbe člana 3. stava 2. ove Odluke primjenjuju se od 01.07.2009. godine.

---

VM broj 165/09  
2. jula 2009. godine  
Sarajevo

---

Predsjedavajući  
Vijeća ministara BiH  
**Dr. Nikola Špirić, s. r.**

---